

Mandat Visokog predstavnika produzen za godinu dana

Upravni odbor Vijeća za implementaciju mira je na svojoj sjednici danas u Stokholmu potvrdio produženje mandata Visokog predstavnika, Wolfganga Petritscha, za još jednu godinu. Upravni odbor je izrazio trajnu punu podršku Visokom predstavniku kao i njegovim ranijim i budućim neumornim naporima u Bosni i Hercegovini.

Na sjednici Upravnog odbora Vijeća za implementaciju mira saslušani su prijedlozi Visokog predstavnika o integraciji postojećih međunarodnih struktura za civilnu provedbu u Bosni i Hercegovini. Postignuta je saglasnost da se moraju sagledati postojeći kapaciteti/mogućnosti, prednosti i slabosti kao i drugi relevantni faktori za proces integracije. OHR će sada obaviti detaljne konsultacije sa drugim organizacijama na terenu.

Visoki predstavnik je ponovno potvrdio svoju posvećenost provedbi Daytonskog mirovnog sporazuma i borbi protiv ekstremnih nacionalističkih snaga. Zajedno sa međunarodnim organizacijama koje rade u Bosni i Hercegovini, Visoki predstavnik će nastaviti raditi na poboljšanju i osiguravanju boljeg životnog standarda za građane ove zemlje. Ekonomska reforma, povratak izbjeglica i provedba imovinskih zakona, izgravinskih zakona, izgradnja funkcionalne države, borba protiv korupcije i osiguranje vladavine zakona predstavljaju put napretka za Bosnu i Hercegovinu, ako će ova zemlja učestvovati u procesu evropskih integracija i ako će se početi natjecati sa susjednim zemljama za strana ulaganja.

Prijem Bosne i Hercegovine u Vijeće Evrope ostaje od velikog značaja za građane Bosne i Hercegovine. Isto vazi i za ispunjenje uslova koji su postavljeni u "Smjernicama EU" iz

marta 2000. godine, sto bi omogućilo ovoj zemlji da ostvari bliske i korisne odnose sa EU i konacno bi joj dozvolilo da sa EU zakljuci Sporazum o stabilizaciji i udruživanju.

Visoki predstavnik je jos jednom ponovio svoju odlucnost da iskoristi svoje ovlasti za pokretanje neophodnih promjena i da potakne dodatne pozitivne reforme. Medjutim, od izuzetnog je znacaja da duznosnici i gradjani Bosne i Hercegovine preuzmu kontrolu u svojoj zemlji i da preuzmu inicijativu u stvaranju moderne, demokratske drzave sa vladavinom prava.